



JUDICIAL SYSTEM MONITORING PROGRAMME PROGRAMA MONITORIZASAUN SISTEMA JUDISIÁL

Komunikadu Imprensa

18 Fevreiru 2013

Tribunál Distritál Oe-cusse la halo prosesu julgamentu durante semana daruak tomak iha fulan Fevereiru

Iha 11 to'o 15 Fevereiru 2013, Tribunál Distritál Oe-Cusse la iha audiénsia julgamentu ba kualker kazu krime no sivíl tanba autór tribunál sira sei iha Díli.

“JSMP rekoñese katak númeru juiz sira sei kontinua limitadu, maibe JSMP nafatin enkoraza atu autór judisiáriu sira maneja situasaun ne'e hodi la bele husik tribunál vakum durante semana tomak tanba prejudika ema sira nia direitu ba justisa , tuir prinsípiu julgamentu ne'ebé justu,” dehan Direitor Ezekutivu JSMP Luís de Oliveira Sampaio.

Tuir fontes konfirmadu husi Tribunál Distritál Oe-Cusse, katak, tuir agenda iha 11 to'o 15 Fevereiru, iha oráriu julgamentu ne'ebé planeadu tiha ona. Maibé tanba juis sira ne'ebé hala'o kna'ar iha Tribunál Distritál Oe-Cusse sei partisipa hela enkontru no sai membru ba tribunál koletivu iha Díli.

Relasiona ho impedimentu ne'e, kazu hirak ne'ebé tama ona iha ajenda atu julga marka fali ba julgamentu foun iha 18 to'o 21 Fevereiru 2013.

Kazu sira ne'ebé sei julga husi 18 to'o 21 Fevereiru 2013, hamutuk totál 26. Kazu 10 sei julga iha 18 Fevereiru no kazu 10 seluk julga iha loron 19. Aleinde ne'e kazu 6 seluk sei julga iha 20 no 21 Fevereiru 2013. Kazu sira ne'e maioria kazu ofensa ba integridade fizika simples ho ninia natureza violénsia doméstika.

Luís de Oliveira Sampaio
Diretor Ezekutivu JSMP
Diresaun e-mail: luis@jsmp.minihub.org
Landline: 3323883
www.jsmp.tl